

تنوره

تنورة طولها شبر	وفوقها كده بشبرين
كاشفة الحليوة خصر	تحلف كأنه لجين
مرات يكون مستقر	ساكن يسر العين
ومرات تعيد النظر	تلقاه شمال ويمين
ينساب كنغمة وتر	وليه بتلوموا العاشقين
على قلوب تستعر	لوعة وشوق وحنين
وقوام يودى سقر	ونقول ونشكى لمين
وانت عارفنا بشر	ياربى والحلوين
لو جيت أغض البصر	ألقى ندى ونسرين
عملونى كورة كفر	واتمرقعوا ألاتنين
يا تهمة وألقى الغفر	من غير لا سين ولا جيم
خطفونى بعد الفجر	يا قبله بساعتين
إما أقضى شهر	لو قاضى حر فطين
أو أمضى طول العمر	لو قالوا يا عوضين
إنى مسجل خطر	باصوم خميس وإثنين
وإزاي يا ناس يا غجر	هنعيشوا ملتزمين
ويا جاي تقولى الصبر	ما إحنا سنين صابرين
لا فى يوم بلغنا وطر	ولا إستحدثنا يوم قوانين
ع العهر تعمل حظر	وتحاسب الفاسدين

يا تتركوا الجنسـين	فى ريف أومدينة وحضر
بردون يا سى لينين	من غير زواج لا مهر
مين اللى زيـك مين؟	إنت رسول العصر
وتقول شـيوعيين	تعلنها واضحة جهر
خلانا دوم تاـيهين	لكن النفاق والمكر
ولا عشنا راحة يومين	لا إحنا حاربنا العهر
ونخسرها دنيا ودين	من قبل ما ننتحر

